



Në Stadiumin "Ferki Aliu" në Vushtrri, Llamkos Kosova ka mundur me vështirësi Besën e Pejës 2:1. Të parët në epërsi erdhën Vushtrriasit . Pas futjes në lojë të lojtarëve zëvendësues, Faton Zejnullahu dhe Leart Emini, skuadra rriti nivelin e lojes dhe ishin pikërisht këta lojtare që u bene protagoniste të golit të epërsisë që u shënuar në minutën e 53-të. Pas harkimit nga këndi i djathtë nga Faton Zejnullahu, më së larti në tufën e lojtarëve kërceu Lerat Emini që me një goditje të sakte e kaloi ekipin e Llamkos Kosova në avantazh. Besa e Pejës nga minuta e 66-të mbeti me një lojtar më pak pasi gjyqtari Tahiri me të drejtë e përjashtoi nga loja Shpëtim Zharën, i cili në mënyrë të parregullt si lojtar i fundit ndërhyri ndaj Semir Zenelit . Nuk kaloi shumë kohë, Egzon Gashi, i Besës barazoi rezultatin në minutën e 79-të në 1:1. Pas harkimit nga e djathta, topi kaloi të gjithë futbollistët dhe u përplas në portën e portierit Petrit Tahiri. Një minutë para përfundimit të ndeshjes, Labinot Osmani, shfrytëzoi një pakujdesi të pejanëve dhe e dergoi topin në rrjetë. . Me këtë fitore Llamkos Kosova edhe më tej kryeson në renditje me 31 pikë.